

Resource: قاموس الكتاب المقدس (Tyndale)

License Information

قاموس الكتاب المقدس (Tyndale) (Sudanese Arabic) is based on: Tyndale Open Bible Dictionary, [Tyndale House Publishers](#), 2023, which is licensed under a [CC BY-SA 4.0 license](#).

This PDF version is provided under the same license.

م

2

□□□□□□□□□□□□□□□□
□□□□□□□□□□□□□□□□
□□□□□

الكلام الجوهري عند بولس عن المعمودية بنلقاه في غلاطية ٣: ٢٧ اعتمدتم بالمسيح. الطقس دا عندو طبيعة مسيحية (كريستولوجية) في "أصلو، لأنو بيرمز للاتحاد مع المسيح. ودا واضح أكثر في رومية ٦: ٣-٨، التساوي بين المعمودية والموت والقيامة (راجع كولوسي ٢: ١٢، ١٣). وبرضو المعمودية مرتبطة بالروح القدس؛ في 1 كورنثوس ١٢: ١٣، بولس بيقول: "بِرُوحٍ وَاحِدٍ أَيْضًا اعْتَمَدْنَا" وكمنا "مُعِينًا رُوحًا وَاحِدًا". ناس كتار بيشفقوا المعمودية كأنها العلامة الظاهرة لـ "الختم" الداخلي بالروح القدس (٢ كورنثوس ١: ٢١، ٢٢؛ أفسس ١: ١٣، ١٤). الكلام دا بيؤدنا للبعد الأخرى (المرتبط بالنهاية) في المعمودية، من خلال علاقتها بعمل المسيح الحالي وعمل الروح القدس المعمودية بتظهر كرمز خارجي لتدقيق الخلاص في زمن الاكتمال، لأنها الطقس الأولي البيدخل المؤمن في بركات العصر الجديد (تيطس ٣: ٥)

في كمان علاقة واضحة بين المعمودية ووعود العهد القديم. الرابط الأساسي بيكون مع العهد الإبراهيمي، خصوصًا مع الختان البيميزو. في كولوسي ٢: ١١، ١٢، بولس جمع بين الختان في العهد القديم والمعمودية في العهد الجديد، وورّانا إنو الاثنين بيرمزوا لعمل المسيح الفدائي. لكن اليوم في نقاش داير: هل المعمودية بتقوم بنفس الدور البكان بيقوم بيهو الختان؟ يعني هل هي علامة قضائية واحتسابية زي الختان؟ مهما كانت التفسيرات اللاهوتية، ما بنقدر نجبر بولس بقول الكلام دا حرفيًا. في الحقيقة، بولس هنا بيستخدم صورة "ختان القلب"، وهي صورة موجودة في العهد القديم (تثنية ١٠: ١٦؛ ٣٠: ٦؛ إرميا ٤: ٤؛ رومية ٢: ٢٨؛ ٢٩؛ فيلبي ٣: ٣). المؤمنين بعيشوا المعنى الحقيقي والفعل للحاجة الختان كان بيرمز ليها زمان، ودا واقع روحي حقيقي وفعل

المعمودية كمان مرتبطة بعهد الله مع نوح، زي ما ورد في ١ بطرس ٣: ٢١-٢١. لنجاة بتاعت نوح من خلال الموية هناك بتعتبر صورة أو رمز لنتائج المعمودية. في نقاش داير حول معنى عبارة: "الذي مثاله يُخَلِّصُنَا، نَحْنُ الْآنَ، أَيِ الْمَعْمُودِيَّةِ". وفهم المعنى دا بيرتبط بالشرح الجا بعدو اللي هو: "بَلْ سُؤَالَ ضَمِيرٍ صَالِحٍ عَنْ اللَّهِ". رغم إنو في نقاش أكبر بيدور حوالين النظرة "الافتراضية" (فرضية العهد) والمعمدانية، لكن هنا حنكتفي ونقول ببساطة إنو تفسير العبارة كـ "طلبة من الله من ضمير صالح" هو التفسير الأنسب. العبارة دي بتعكس صورة زول مؤمن بيقدم طلبتو لله بقلب صادق. المعمودية هي ختم لعهد الخلاص، العهد الاتحقق مسبقًا بواسطة عمل المسيح، وبقرار إيمان فردي من الشخص

المعمودية دي كانت بتنتظر لقدام، ليوم الدينونة، اليوم اللي ربنا حيفرق فيه بين الأبرار والأشرار (راجع متى ٣: ١٢). (٣) كانت بتيرمز للتطهير الأخلاقي، وبتجهز الناس عشان يدخلوا في الملكوت الجاي (متى ٣: ٢؛ لوقا ٣: ٣-٧). مع إنو في تشابه بين المعمودية يوحنا ومعمودية الكنيسة الأولى، ما بنقدر نقول إنهم نفس الحاجة بالضبط الحقيقة إنو المعمودية اختفت تقريبًا من خدمة يسوع. في البداية، يسوع سمح لتلاميذه يعمدوا الناس (يوحنا ٣: ٢٢)، لكن بعد شوية، واضح إنو وقف المعمودية دي (يوحنا ٤: ١-٣)، ويمكن يكون وقفها لأسباب دي (١) رسالة يوحنا كانت وظيفية، يعني خدمتو كانت بتؤدي غرض محدد لكن رسالة يسوع كانت شخصية ووجودية، متعلقة بهويته نفسو كابن الله. (٢) يوحنا كان بينتظر المستقبل، مستني الملكوت الجاي، لكن يسوع كان شايف إنو الملكوت وصل، وكان بيحتفل بيهو في الحاضر. معمودية يوحنا كانت مرحلة مؤقتة، لكن المعمودية المرتبطة بيسوع بقت فريضة في الكنيسة. عشان كدا، يسوع فرق بين خدمتو وخدمة يوحنا

□□□□□□□□□□□□□□□□

نالحده دا طلع من تفاعل معقد بين دوافع إلهية ودوافع بشرية، وكان نابع من وعي يسوع بنفسو كمسيحًا (شوف مرقس ١: ٩-١١ والنصوص الشبيهة). بالنسبة ليوحنا، معمودية يسوع كانت زي ختم تأكيد إنو رسالتو وخدمتو كانت حقيقية وجاية من ربنا. وخدمة يسوع كانت مرتبطة ببناء يوحنا عن قرب مجيء الملكوت. أما بالنسبة ليسوع، فالمعمودية دي كانت زي مسحة إلهية، بتعلن بداية خدمته المسبانية. ودا بيظهر بوضوح في "الصوت السماوي" الانتقال في مرقس ١: ١١ والنصوص الثانية، الشبيهة، والموضوع دا فيهو جانبيين: (١) الصوت أشار لمزمور ٧: ٢ ودا بيأكد إنو يسوع هو ابن الله بطريقة فريدة وخاصة. (٢) وبرضو أشار لإشعياء ٤٢: ١، واعترف بيسوع إنو هو "عبد يهوه" المنتظر، العبد المسباني. (الموضوع دا حنشرحو بتوسع أكثر في المقالة الجاية تحت)

□□□□□□□□□□□□□□□□
□□□□□□□□□□□□□□□□

هنا بنلقى الأساس الحقيقي لممارسة الكنيسة للمعمودية (متى ٢٨: ١٩) زي ما ذكر قبل كدا، التلاميذ وقفوا من ممارسة معمودية يوحنا، وعند النقطة دي بنشوف إنو المعمودية اتأسست من جديد كفرضة مبنية على موت المسيح وقيامته. ما بقت طقس بيتطلع للمستقبل، لكن بقت مرتبطة برسالة الإنجيل ذاتها، ومدعومة بالمسيح القام من بين الأموات وصعد ليبقي السيد على الكون كله. كمان، المعمودية بقت جزء أساسي من عملية التلمذة، ودا باين في استخدام كلمة "عمدوهم" بعد الفعل الرئيسي تلمذوا. وفي النهاية، بنالاحظ إنو الفعل دا (عمدوهم) بيدل على دخول المؤمن في "اتحاد" (بالمعنى الحرفي: "باسم") مع الثالوث الأقدس

□□□□□□□□□□□□□□□□

النص في أعمال الرسل ٢: ٣٨ بيورينا إنو المعمودية كانت فريضة كنسية من البداية. ودا بيرجع بيينا لأيام الكنيسة الأولى. في الكنيسة البدري، المعمودية كانت جزء مهم من عملية الخلاص (أعمال الرسل ٢: ٣٨، "توبوا وليعتمد كل واحد منكم") وكانت بتتم من خلال الاعتراف بالصلاة "باسم يسوع المسيح" (أعمال الرسل ٢: ٣٨؛ ٨: ١٦؛ ١٠: ٤٨؛ ١٩: ٥). الغالب إنو كان في فترة فيها سؤال وجواب، الزول فيها بيعترف بإيمانو ويكرس نفسو للمسيح. والنتيجة كانت إنو الزول بيتم قبولو في جماعة العهد الجديد، ودا كان بيدل على غفران الخطايا (أعمال الرسل ٢: ٣٨؛ ٥: ٤٣؛ ١٠: ٤٣؛ ١٣: ٣٨؛ ٢٦: ١٨) وكمنا على قبول الروح القدس (لوقا ٣: ١٦؛ أعمال الرسل ٢: ٣٨، ٤١؛ ٩: ١٧؛ ١٠: ٤٤، ٤٨؛ ١١: ١٦؛ ١٧: ١٩؛ ٥: ٧). □□□□□ المعمودية النار؛ معمودية يسوع؛ معمودية الروح القدس